

Trosolwg

Mae'r safon hon yn ymwneud â phrosesu adnewyddiadau yswiriant uniongyrchol fel canolwr. Bydd eich gwaith yn cynnwys prosesu a chwblhau adnewyddiadau. Byddwch yn prosesu'r polisïau y mae'n bryd eu hadnewyddu, gan gydymffurfio â'r rheoliadau cyfredol. Byddwch yn asesu a oes angen chwilio am ddyfynbris amgen ar gyfer y cwsmer neu beidio. Anfonir y gwahoddiad i adnewyddu at y cwsmer unwaith y byddwch wedi derbyn unrhyw wybodaeth neu ddogfennaeth sy'n angenrheidiol i symud ymlaen gyda'r adnewyddiad. Yna byddwch yn monitro cynnydd yr adnewyddiad, gan sicrhau nad oes oedi yn y broses. Byddwch yn gwirio bod y dogfennau adnewyddu yn gywir ac yn eu rhyddhau ar ôl dod i gytundeb ynghylch taliad. Bydd angen i chi gyflwyno gwybodaeth yn glir ac yn gryno.

Bydd y safon hon yn addas i chi dim ond os ydych chi'n gweithio i gwmni sy'n ganolwr, sy'n delio gydag adnewyddiadau uniongyrchol.

Meini prawf perfformiad

Rhaid i chi allu:

1. Delio gydag adnewyddiadau fel yr awdurdodwyd gan eich sefydliad
2. Dechrau delio gydag adnewyddiadau sydd ar droed o fewn y terfynau amser sy'n ofynnol gan eich cyflogwr a'r rheoleiddiwr
3. Casglu gwybodaeth sy'n ofynnol i symud ymlaen gydag adnewyddiadau, yn unol â gweithdrefnau eich sefydliad
4. Egluro unrhyw wybodaeth sy'n aneglur a chasglu gwybodaeth ychwanegol lle bo angen
5. Adnabod unrhyw nodweddion sy'n dangos y dylid tansgrifennu o'r newydd, a phenderfynu a ddylid ailfrocera'r risg
6. Cyfeirio sefyllfaoedd y tu allan i lefel eich awdurdod at y bobl neu'r adrannau priodol, yn unol â gweithdrefnau eich sefydliad
7. Datrys unrhyw gwestiynau ynghylch dogfennaeth adnewyddu, yn unol â gweithdrefnau eich sefydliad
8. Gwneud cais am unrhyw ddogfennaeth neu wybodaeth sy'n ofynnol a'u storio'n ddiogel, yn unol â gweithdrefnau sefydliadol
9. Trefnu bod dogfennau priodol yn cael eu dosbarthu i gwsmeriaid o fewn y terfynau amser sy'n ofynnol gan y rheoleiddwyr ac yn unol â gweithdrefnau eich sefydliad
10. Gwneud cais am gyfarwyddiadau adnewyddu gan eich cwsmer
11. Monitro cynnydd adnewyddiadau a delio gydag unrhyw oedi, yn unol â gweithdrefnau sefydliadol
12. Trefnu i ryddhau dogfennau adnewyddu pan gytunwyd ar y trefniadau ar gyfer talu
13. Cadw cofnodion cywir a chyflawn, yn unol â gweithdrefnau sefydliadol
14. Cydymffurfio â gofynion cydymffurfio cyfreithiol a rheoliadol, rheoliadau'r diwydiant, polisïau sefydliadol a chodau proffesiynol

Gwybodaeth a dealltwriaeth

Mae angen i chi wybod a deall:

1. Egwyddorion yswiriant a chyfreithiol perthnasol a rheoliadau sy'n effeithio ar eich gweithgareddau
2. Strwythur y farchnad yswiriant a rolau a chyfrifoldebau'r amrywiol bartïon sy'n rhan ohoni sy'n effeithio ar eich gweithgareddau
3. Cwmpas y polisi, y telerau a'r amodau sy'n berthnasol i'ch gwaith, gan gynnwys estyniadau neu gyfyngiadau safonol
4. Ffynonellau gwybodaeth a chynghor o fewn eich sefydliad sy'n berthnasol i adnewyddiadau
5. Terfynau eich awdurdod a'r camau sy'n ofynnol pan fydd adnewyddiad yn syrthio y tu allan i'r terfynau hynny
6. Safonau a gweithdrefnau gwasanaeth eich sefydliad, gan gynnwys y rhai ar gyfer delio gyda chwynion
7. Systemau a gweithdrefnau eich sefydliad ar gyfer cyrchu, cofnodi a newid gwybodaeth
8. Polisi a gweithdrefnau eich sefydliad ar gyfer cyfathrebu â chwsmeriaid
9. Terfynau eich awdurdod eich hun a'r camau sy'n ofynnol os bydd adnewyddiad y tu hwnt i'r terfynau hynny
10. Sut mae defnyddio canllawiau graddio a systemau cyfrifiadurol i gyfrifo premiymau
11. Yr wybodaeth a ddylai gael ei chyflenwi gan gleientiaid i'ch galluogi i brosesu adnewyddiadau
12. Gofynion eich sefydliad yng nghyswllt cymhwyso codau, cyfreithiau a gofynion rheoliadol sy'n cael effaith ar eich gweithgareddau

Ymddygiadau

1. Rydych yn defnyddio gwybodaeth yn effeithiol, yn effeithlon ac er lles pennaf y cleient
2. Rydych yn mabwysiadu agwedd ymchwilgar i gasglu manylion gofynnol sy'n hanfodol i'ch gwaith

Datblygwyd gan	Skills for Justice
Dyddiad cymeradwyo	01 Maw 2017
Dyddiad Adolygu Dangosol	01 Maw 2022
Dilysrwydd	Ar hyn o bryd
Statws	Gwreiddiol
Sefydliad cychwynnol	Partneriaeth Sgiliau Ariannol
RCU gwreiddiol	FSPGI12
Galwedigaethau perthnasol	Cyllid
Cyfes/Set	Yswiriant Cyffredinol
Geiriau Allweddol	Hawliad yswiriant; polisi yswiriant; polisïau; hawliad; hawlydd; setliad; wedi'i yswirio; heb ei yswirio; hysbysiad